

საქართველოს სპორტისა და ახალგაზრდობის საქმეთა სამინისტრო



საქართველოს სპორტისა და ახალგაზრდობის საქმეთა სამინისტროს ბალანსზე
რიცხული 10 (ათი) ავტოსატრანსპორტო საშუალებების სრული დაზღვევის
სახელმწიფო შესყიდვის შესახებ გამარტივებული ელექტრონული
ტენდერის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის,
„სახელმწიფო შესყიდვების ელექტრონული საშუალებით განხორციელების შესახებ დროებითი წესის დამტკიცების შესახებ“
სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანების საფუძველზე

2011 წელი

სარჩევი

1. საკვალიფიკაციო მონაცემების დამადასტურებელი დოკუმენტები -----	3 გვ.
2. შესყიდვის ობიექტის ტექნიკური დავალება -----	4 გვ.
3. მომსახურების გაწევის ვადა -----	5 გვ.
4. ანგარიშსწორების პირობები -----	5 გვ.
5. ხელშეკრულების შესრულების უზრუნველყოფის საბანკო გარანტია -----	5 გვ.
6. ინფორმაცია ტენდერში მონაწილეთათვის -----	6 გვ.
7. პრეტენდენტის მიერ სისტემაში ასატვირთი მონაცემები -----	6 გვ.
8. სახელმწიფო შესყიდვის შესახებ ხელშეკრულების პროექტი -----	7 გვ.
9. დანართი №1 -----	15 გვ.
10. დანართი №2 ფასების ცხრილის ფორმა -----	16 გვ.
11. დანართი №3 საბანკო გარანტიის ფორმა -----	17 გვ.

1. საკვალიფიკაციო მონაცემების დამადასტურებელი დოკუმენტები

1.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 იურიდიული პირებისათვის:

- ა) ინფორმაცია საჯარო რეესტრის ეროვნული სააგენტოდან, რომ არ მიმდინარეობს რეორგანიზაცია და ლიკვიდაცია;
- ბ) ცნობა შესაბამისად თბილისის ან ქუთაისის საქალაქო სასამართლოდან, რომ არ მიმდინარეობს გადახდისუუნარობის საქმის წარმოება;
- გ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- დ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;
- ე) ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ.

1.1.2 ინდივიდუალური მეწარმეთათვის:

- ა) ცნობა შესაბამისად თბილისის ან ქუთაისის საქალაქო სასამართლოდან, რომ არ მიმდინარეობს გადახდისუუნარობის საქმის წარმოება;
- ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- გ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;
- დ) ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ.

1.1.3 ფიზიკური პირებისათვის:

- ა) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;
- ბ) ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ.

1.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანებით დამტკიცებული „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის დაწყების შემდეგ.

1.3 სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანებით დამტკიცებული „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „ო“ ქვეპუნქტით გათვალისწინებული ეტაპის წარმატებით გავლილი პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში უნდა განხორციელდეს მოთხოვნიდან არაუგვიანეს 3 (სამი) სამუშაო დღის განმავლობაში, ელექტრონული სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენილობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

1. შესყიდვის ობიექტის ტექნიკური დავალება

ავტოსატრანსპორტო საშუალებების სრული დაზღვევა ითვალისწინებს:

- 1.1 ავტომობილის გატაცებას, ქურდობას, ძარცვას, ყაჩაღობას;
- 1.2 ავტომობილის დაზიანებას ან განადგურებას (რაც გამოწვეულია ავტოსაგზაო შემთხვევით, ხანძრით, თვითაღლებით, მეხის დაცემით ან/და აფეთქებით, მესამე პირის მართლსაწინააღმდეგო ქმედებით, ვანდალიზმით, რაიმე საგნის დაცემით, სტიქიური უბედურებებით მათ შორის მიწისძვრით, წყალდიდობით, სეტყვით ან უბედური შემთხვევით (მოულოდნელი მოვლენა, რომელმაც გამოიწვია დაზიანება გარეშე და აშკარა მიზეზებით);
- 1.3 დამატებითი აღჭურვილობის, მინების, სარკეების და ა.შ. ქურდობას;
- 1.4 ავტოსატრანსპორტის ევაკუაციასთან დაკავშირებული ხარჯებს;
- 1.5 უფლებამოსილი მძღოლების დაზღვევას (დაზვეული ავტოსატრანსპორტო საშუალების მართვის უფლებამოსილება უნდა ჰქონდეს საქართველოს სპორტისა და ახალგაზრდობის საქმეთა სამინისტროს სისტემის ნებისმიერ თანამშრომელს, რომელსაც გააჩნია მოქმედი მართვის მოწმობა) უბედური შემთხვევის დადგომისას, დამადასტურებელი დოკუმენტის კანონიერ ძალაში შესვლიდან 24 საათის ვადაში (ლიმიტი 10000 (ათი ათასი) ლარი). დაზღვევა ფარავს უფლებამოსილი მძღოლის ჯანმრთელობაზე უბედური შემთხვევის შედეგად მიყენებული ზიანით გამოწვეულ სამედიცინო ხარჯებს;
- 1.6 მესამე პირთა წინაშე პასუხისმგებლობის დაზღვევას – იფარება შემსყიდველის (დამზღვევის, უფლებამოსილი მძღოლების) პასუხისმგებლობა ანაზღაუროს მესამე პირის სიცოცხლის, ჯანმრთელობისა ან/და ქონებისათვის სატრანსპორტო საშუალებით მიყენებული ზიანი, სადაზღვევო ანაზღაურება გაიცემა შემსყიდველის (დამზღვევის) პასუხისმგებლობის დამადასტურებელი დოკუმენტის (დაზღვეულის მიერ მესამე პირ(ებ)ისათვის მიყენებული ზიანის ანაზღაურების თაობაზე) კანონიერ ძალაში შესვლიდან 24 საათის ვადაში (ლიმიტი 20 000 (ოცი ათასი) ლარი);
- 1.7 უზრუნველყოფას დაზარალებული მესამე პირის შემთხვევის ადგილიდან რეანომობილით ტრანსპორტირებას შესაბამის ლიცენზირებულ კლინიკაში და მეურნეობასთან დაკავშირებული ყველანაირი ხარჯის ანაზღაურება, დაზარალებულის ნებისმიერი სახით მონაწილეობის გარეშე;
- 1.8 ავტომობილების შეფასებას და მომსახურების გაწევას შემსყიდველთან შეთანხმებულ ან/და შესაბამისი ავტომობილების სერვის-ცენტრებში, 2011 წლის 31 დეკემბრის ჩათვლით;
- 1.9 მიაწოდოს პრიორიტეტი შემსყიდველის ავტომობილის, რაც გულისხმობს შეკეთების მომსახურების უმოკლეს ვადებში დაწყება-დასრულებას, აგრეთვე უზრუნველყოს 24 საათიანი ასისტანსი;
- 1.10 ავტოსატრანსპორტის დაზღვევას „0“ ნულოვანი ფრანშიზით;
- 1.11 დაზღვევის მომსახურების გაწევას 2011 წლის 10 თებერვლიდან 2011 წლის 31 დეკემბრის ჩათვლით ყოველდღიურად, 24 სთ-ის განმავლობაში, დასვენების და უქმე დღეების ჩათვლით;
- 1.12 დაზღვევის მოქმედების არეალი – დაზღვევის ტერიტორიაა საქართველო, სომხეთი, აზერბაიჯანი, თურქეთი;
- 1.13 პრეტენდენტმა უნდა წარმოადგინოს სადაზღვევო ტარიფის (პრემიის) გამოანგარიშების ფორმულა ავტოსატრანსპორტო საშუალებების ნარჩენ საბაღანსო ღირებულებასთან მიმართებით, გამოსახული პროცენტული ოდენობით (მათ შორის 1 (ერთი) ავტომანქანის შემთხვევაში).
- 1.14 ავტოსატრანსპორტის განადგურებად ითვლება ზიანი, რომლის დროსაც აღდგენითი შეკეთების ღირებულება, მისი საბაზრო ღირებულების 70 პროცენტს შეადგენს. სრული განადგურების შემთხვევაში იდენტური დაუზიანებელი მოძრავი ნივთის დამზღვევისათვის გადაცემისთანავე, დაზიანებული მოძრავი ნივთი საკუთრებაში გადაეცემა მზღვეველს.
- 1.15 დაინტერესებულ პირებს შეუძლიათ მომსახურების გასაწევ ობიექტებს გაეცნონ ადგილზე.

1.16 იმ ავტომანქანების ჩამონათვალი, რომლებზეც უნდა გავრცელდეს დაზღვევა

№	ავტომანქანის მარკა	სახ №	გამოშვების წელი	ნარჩენი საბალანსო ღირებულება (ლარი)
1	TOYOTA LANDCRUISER LC 200	QEQ-949	2010	97759,65
2	TOYOTA LANDCRUISER PRADO	VUV-882	2010	69 354,58
3	HYUNDAI VERACRUZ	COC-050	2009	46 613,54
4	TOYOTA CAMRY 3,5	VUV-933	2010	62 621,76
5	TOYOTA CAMRY 2,4	QWQ-744	2010	52 768,51
6	HYUNDAI GETZ	NZN-898	2010	15 285,90
7	RENAULT LOGAN	QWQ-577	2010	17 452,20
8	SKODA OCTAVIA	NSN-750	2010	30572,8
9	TOYOTA HILUX	GNG-292	2008	26 266,12
10	MERSEDES E 280	SAN-050	1998	17302,28
	სულ			435 997,34

2. მომსახურების გაწევის ვადა

2.1 სპორტისა და ახალგაზრდობის საქმეთა სამინისტროს ბალანსზე რიცხული 10 (ათი) ავტოსატრანსპორტო საშუალებების სრული დაზღვევა უნდა განხორციელდეს 2011 წლის 10 თებერვლიდან 2011 წლის 31 დეკემბრამდე.

3. ანგარიშსწორების პირობები

- 3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 3.2 ანგარიშსწორება მოხდება უნაღდო ანგარიშსწორებით ლარში.
- 3.3 ანგარიშსწორება მოხდება ეტაპობრივად მიღება-ჩაბარების აქტის გაფორმებიდან 20 (ოცი) დღის განმავლობაში.
- 3.4 სააგანსო ანგარიშსწორება არ გამოიყენება.

4. ხელშეკრულების შესრულების უზრუნველყოფის საბანკო გარანტია

- 4.1 ტენდერში გამოყენებულ იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით, დანართი №3-ის მიხედვით.
- 4.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული მომსახურების გაწევის ვადას.

5. ინფორმაცია ტენდერში მონაწილეობის

- 5.1 სატენდერო წინადადება უნდა მოქმედებდეს არანაკლებ 30 (ოცდაათი) კალენდარული დღის განმავლობაში, დაწყებული სახელმწიფო შესყიდვების ერთიან ელექტრონულ სისტემაში წინადადებების მიღების დაწყების დღიდან.
- 5.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.
- 5.3 სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 5.4 პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 5.5 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქალაქი თბილისი, ჩოლოყაშვილის გამზირი №9, ოთახი №301. საკონტაქტო პირი: ირაკლი თადიაშვილი. ტელ.: 235-149.

6. პრეტენდენტის მიერ სისტემაში ასატვირთი მონაცემები

- 6.1 რეკვიზიტები, სატენდერო წინადადების ფასი, ხელშეკრულების შესრულების უზრუნველყოფის საბანკო გარანტიის ოდენობა და სატენდერო წინადადების მოქმედების ვადა დანართი №1-ის მიხედვით.
- 6.2 ფასების ცხრილი დანართი №2-ის შესაბამისად.

ხელშეკრულება სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

“___” _____ 2011წ.

1. ხელშეკრულების დამდები მხარეები

საქართველოს სპორტისა და ახალგაზრდობის საქმეთა სამინისტრო (მის: ქ. თბილისი, ჩოლოყაშვილის გამზირი №9, ტელ.: 235-149, საბანკო რეკვიზიტები: ანგ. №200122900 სახელმწიფო ხაზინა, კოდი-220101222, სკ-204861916), შემდგომში წოდებული „შემსყიდველად“, წარმოდგენილი მინისტრის პირველი მოადგილის გიორგი ავალიანის სახით და _____ (მისამართი: _____, ტელეფონი: _____, საბანკო რეკვიზიტები: ანგ. № _____ სს _____, კოდი _____, სკ _____) შემდგომში წოდებული „მიმწოდებლად“, წარმოდგენილი მისი დირექტორის _____ სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

2. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 2.1 მიმწოდებელი (მზღვეველი) - _____, რომელიც კანონმდებლობის შესაბამისად ეწევა სადაზღვევო საქმიანობას და გადასცემს დამზღვევს ავტოტრანსპორტის დაზღვევის პოლისს;
- 2.2 შემსყიდველი (დამზღვევი) - პირი, რომელიც ამ პირობებით და კანონმდებლობის მიხედვით, სადაზღვევო პოლისით განსაზღვრულ სატრანსპორტო საშუალებას აზღვევს მზღვეველთან და იხდის შესაბამის სადაზღვევო პრემიას;
- 2.3 დაზღვეული - პირი, რომლის მიმართაც ხორციელდება ავტოტრანსპორტის დაზღვევა;
- 2.4 მოსარგებლე - პირი, რომელიც ამ პირობების თანახმად იღებს სადაზღვევო ანაზღაურებას;
- 2.5 სადაზღვევო პოლისი - დაზღვევის დამადასტურებელი დოკუმენტი, რომელსაც თან ერთვის ავტოტრანსპორტის დაზღვევის პირობები და წარმოადგენს მის განუყოფელ ნაწილს;
- 2.6 სადაზღვევო ღირებულება - დანართი №1-ით განსაზღვრული ავტოტრანსპორტის ღირებულება;
- 2.7 სადაზღვევო ანაზღაურება - თანხა, ქონება ან მომსახურება, რომელიც მზღვეველისაგან ეკუთვნის დამზღვევს წინამდებარე პირობების საფუძველზე;
- 2.8 სადაზღვევო პრემია - თანხა, რომელიც უნდა გადაუხადოს დამზღვევმა მზღვეველს ავტოტრანსპორტის დაზღვევის საფასურად - დაზღვევის ღირებულება. პრემია ანგარიშდება დაზღვევის კონკრეტული ობიექტის, რისკებისა და სხვა შესაბამისი ფაქტორების გათვალისწინებით. პრემიის ოდენობა განისაზღვრება ავტოტრანსპორტის დაზღვევის შესაბამისი პოლისით;
- 2.9 სადაზღვევო ტარიფი - სადაზღვევო პრემიის სიდიდე გამოხატული პროცენტულად. სადაზღვევო ტარიფი დამოკიდებულია დაზღვევის კონკრეტული ობიექტის მახასიათებლებზე, რისკებსა და სხვა შესაბამისი ფაქტორებზე. ტარიფის ოდენობა განისაზღვრება შესაბამისი პოლისით;
- 2.10 შემთხვევა - წინამდებარე პირობებით გათვალისწინებული რისკებით გამოწვეული გარემოება;
- 2.11 სადაზღვევო შემთხვევა - შემთხვევა, რომლის დადგომისას წინამდებარე პირობები ითვალისწინებს სადაზღვევო ანაზღაურების გადახდას და რომელიც დასტურდება მზღვეველის მიერ შედგენილი სადაზღვევო შემთხვევის აქტით;
- 2.12 სადაზღვევო რისკი - მოვლენა, რომელიც შეიცავს მისი დადგომის შესაძლებლობის და შემთხვევითობის ნიშნებს და რომლის გამოც ხდება დაზღვევა. სადაზღვევო რისკები განისაზღვრება შესაბამისი სადაზღვევო პოლისით;
- 2.13 ქურდობა, ძარცვა, ყაჩაღობა - საქართველოს სისხლის სამართლის კოდექსის 177 - 179-ე მუხლებით განსაზღვრული ქმედებები;

2.14 უბედური შემთხვევა - შემთხვევა, როდესაც ზიანი მიადგა დაზღვეულ სატრანსპორტო საშუალებაში მყოფი მძღოლის სიცოცხლეს ან ჯანმრთელობას;

2.15 უფლებამოსილი მძღოლი - საქართველოს სპორტისა და ახალგაზრდობის სამინისტროს სისტემის ყველა თანამშრომელი, რომელსაც გააჩნია მოქმედი მართვის მოწმობა;

2.16 მესამე პირის წინაშე დაზღვეულის პასუხისმგებლობა - დაზღვეულის პასუხისმგებლობა მესამე პირის წინაშე ამ უკანასკნელის სიცოცხლის, ჯანმრთელობისა და/ან ქონებისათვის სატრანსპორტო საშუალებით მიყენებული ზიანისათვის (ეს პირობა არ ვრცელდება პირებზე, რომლებიც ზიანის დადგომის მომენტიდან იმყოფებოდნენ დაზღვეულ ავტოტრანსპორტში, მათთვის მიყენებული ზიანი განიხილება, როგორც უბედური შემთხვევა).

3. ხელშეკრულების საგანი

საქართველოს სპორტისა და ახალგაზრდობის სამინისტროს ავტოსატრანსპორტო საშუალებების სრული დაზღვევა შემდეგი სადაზღვევო რისკებისაგან:

- ა) ავტოტრანსპორტის ან მისი ცალკეული ნაწილების ქურდობა, ძარცვა, ყაჩაღობა;
- ბ) ავტომობილის დაზიანება ან განადგურება (რაც გამოწვეულია ავტოსაგზაო შემთხვევით, ხანძრით, თვითაღლებით, მეხის დაცემით ან/და აფეთქებით, მესამე პირის მართლსაწინააღმდეგო ქმედებით, ვანდალიზმით, რაიმე საგნის დაცემით, სტიქიური უბედურებებით მათ შორის მიწისძვრით, წყალდიდობით, სეტყვით ან უბედური შემთხვევით (მოულოდნელი მოვლენა, რომელმაც გამოიწვია დაზიანება გარეშე და აშკარა მიზეზებით);
- გ) დამატებითი აღჭურვილობის, მინების, სარკეების და ა.შ. ქურდობა;
- დ) ტერორიზმის რისკით გამოწვეული ზარალი;
- ე) უფლებამოსილი მძღოლის დაზღვევა უბედური შემთხვევისაგან (დაზღვევა ფარავს ამ მუხლის „ა“, „ბ“, „გ“ და „დ“ ქვეპუნქტებში ჩამოთვლილი რისკებით გამოწვეული, უფლებამოსილი მძღოლის ჯანმრთელობაზე მიყენებული ფიზიკური ზიანის ანაზღურებასთან დაკავშირებულ სამედიცინო ხარჯებს);
- ვ) მესამე პირის წინაშე პასუხისმგებლობის დაზღვევა (დაზღვევა ფარავს შემსყიდველის (დამზღვევის) პასუხისმგებლობას მესამე პირის სიცოცხლის, ჯანმრთელობისა ან/და ქონებისათვის სატრანსპორტო საშუალებით მიყენებულ ზიანს).

4. დაზღვევის ტერიტორია

დაზღვევის ტერიტორიაა საქართველო, სომხეთი, აზერბაიჯანი, თურქეთი.

5. ხელშეკრულების ღირებულება

5.1. ხელშეკრულების ღირებულება: _____ ლარს.

5.2. მომსახურების ღირებულება _____ შეადგენს _____ ლარს და შეიცავს მიმწოდებლის ყველა ხარჯებსა და საქართველოს კანონმდებლობით გათვალისწინებულ გადასახადებს, დაკავშირებულს მომსახურების გაწევასთან.

5.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა და გარდა შემსყიდველის მიერ დამატებითი ავტომობილების დაზღვევის მოთხოვნისა.

6. მხარეთა ვალდებულებები

6.1. მიმწოდებელი ვალდებულია:

- ა) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზის გამოსწორება;
- ბ) განახორციელოს შემსყიდველის ინფორმაციული უზრუნველყოფა გაწეული მომსახურების შესახებ;
- გ) განახორციელოს ავტოტრანსპორტის დაზღვევა ნულოვანი ფრანშიზით;

- დ) დაზღვევის დამადასტურებლად გასცეს შესაბამისი სადაზღვევო პოლისი;
- ე) კანონმდებლობით განსაზღვრული შემთხვევების გარდა, არ გაამჟღავნოს მონაცემები დამზღვევსა (დაზღვეულსა) და მის ქონებრივ მდგომარეობაზე, რომელიც ცნობილი გახდა მისთვის სადაზღვევო ურთიერთობების წარმოშობისას;
- ვ) მიიღოს და განიხილოს დამზღვევის განაცხადი ზიანის დადგომის შესახებ;
- ზ) შეადგინოს სადაზღვევო შემთხვევის აქტი და განსაზღვროს სადაზღვევო ანაზღაურების თანხა, ავტოტრანსპორტის დაზღვევის პირობებისა და სადაზღვევო პოლისის შესაბამისად;
- თ) გასცეს სადაზღვევო ანაზღაურება ყველა აუცილებელი მასალისა და დოკუმენტის მიღებიდან, ასევე სადაზღვევო შემთხვევის შესახებ აქტის მხარეთა მიერ ხელმოწერიდან 3 სამუშაო დღის ვადაში, ავტოტრანსპორტის დაზღვევის პირობებით დადგენილი წესით;
- ი) არ გასცეს სადაზღვევო ანაზღაურება სადაზღვევო შემთხვევის შესახებ აქტის ორმხრივად ხელმოწერამდე;
- კ) განახორციელოს უფლებამოსილი მძღოლის დაზღვევა უბედური შემთხვევის დადგომისას, დამადასტურებელი დოკუმენტის კანონიერ ძალაში შესვლიდან 24 საათის ვადაში (ლიმიტი 10000 (ათი ათასი) ლარი). დაზღვევა ფარავს უფლებამოსილი მძღოლის ჯანმრთელობაზე მიყენებული ფიზიკური ზიანით გამოწვეულ სამედიცინო ხარჯებს;
- ლ) მესამე პირთა წინაშე დაზღვეული პასუხისმგებლობის რისკზე, სადაზღვევო შემთხვევის დადგომისას, სადაზღვევო ანაზღაურება გაიცემა დაზღვეულის პასუხისმგებლობის დამადასტურებელი დოკუმენტის (დაზღვეულის მიერ მესამე პირ(ებ)ისათვის მიყენებული ზიანის ანაზღაურების თაობაზე) კანონიერ ძალაში შესვლიდან 24 საათის ვადაში (ლიმიტი 20 000 (ოცი ათასი) ლარი);
- მ) ავტოტრანსპორტის შეფასება და მომსახურება განახორციელოს შემსყიდველთან შეთანხმებულ ან/და შესაბამისი ავტომობილების სერვის-ცენტრებში, 2011 წლის 31 დეკემბრის ჩათვლით;
- ნ) განახორციელოს დაზიანებული ავტოტრანსპორტის შესაბამისი მარკისა და მოდელის ორიგინალი ნაწილებით უზრუნველყოფა;
- ო) სადაზღვევო რისკებით დამდგარი სატრანსპორტო შემთხვევისას გამოიძახოს ევაკუატორი და უზრუნველყოს ავტოტრანსპორტის ევაკუაციასთან დაკავშირებული ხარჯების ანაზღაურება;
- პ) უზრუნველყოს 24 საათიანი ასისტანსი;
- ჟ) უზრუნველყოს დაზარალებული მესამე პირის შემთხვევის ადგილიდან რეანომობილით ტრანსპორტირება ლიცენზირებულ კლინიკაში და მკურნალობასთან დაკავშირებული ყველანაირი ხარჯის ანაზღაურება, დაზარალებულის ნებისმიერი სახით მონაწილეობის გარეშე;
- რ) უზრუნველყოს მომსახურების გაწევა 2011 წლის 10 თებერვლიდან 2011 წლის 31 დეკემბრის ჩათვლით;
- ს) განახორციელოს ამ ხელშეკრულებით მასზე დაკისრებული სხვა ვალდებულებები.

6.2. შემსყიდველი ვალდებულია:

- ა) უზრუნველყოს მომსახურების ინსპექტირება და დადებითი შეფასების შემთხვევაში მისი მიღება;
- ბ) შეატყობინოს მზღვეველს უტყუარი ინფორმაცია, რომელსაც მნიშვნელობა აქვს სადაზღვევო რისკის სახისა და ხარისხის განსაზღვრისათვის;
- გ) გადაიხადოს სადაზღვევო პრემია სადაზღვევო პოლისით განსაზღვრულ ვადებში;
- დ) მზღვეველის წარმომადგენლის (აგრეთვე შსს ორგანოების წარმომადგენლის) შემთხვევის ადგილზე გამოცხადებამდე არ მოახდინოს ზიანის დადგომის მომენტში არსებული ვითარების შეცვლა (გარდა იმ შემთხვევებისა, როდესაც ეს აუცილებელია ზარალის ოდენობის შემცირების ან ზიანის შემდგომი განვითარების თავიდან აცილების მიზნით);
- ე) დაუყოვნებლივ აცნობოს მზღვეველს ავტოტრანსპორტის ექსპლუატაციის პირობებში ნებისმიერი არსებითი ცვლილების შესახებ, მათ შორის:
- ე.ა) სხვა პირისათვის სარგებლობაში, მფლობელობაში, საკუთრებაში ან მინდობილ საკუთრებაში გადაცემა;
- ე.ბ) აღრიცხვიდან მოხსნა ან შსს ორგანოებში სათანადო წესით გადაფორმება;
- ე.გ) ტექნიკური პასპორტის, რეგისტრაციის მოწმობის, სანომრე ნიშნის შეცვლა ან დაკარგვა;
- ე) დაუყოვნებლივ აცნობოს მზღვეველს ავტოტრანსპორტის დაზღვევის განაცხადში ან საიდენტიფიკაციო მონაცემებში შეტანილი ნებისმიერი ცვლილების შესახებ;
- ზ) თან იქონიოს ავტოტრანსპორტის სარეგისტრაციო მოწმობა, (რომელიც სავალდებულო წესით შემთხვევის დადგომისას უნდა წარმოადგინოს მზღვეველთან) და არ დატოვოს იგი ავტოტრანსპორტში

წინააღმდეგ შემთხვევაში მზღვეველი იტოვებს უფლებას არ აანაზღაუროს ავტოტრანსპორტის ქურდობა-ძარცვის რისკებით დამდგარი ზიანი (გამონაკლისს წარმოადგენს ამ პუნქტის „ეგ“ ქვეპუნქტი);

თ) შემთხვევის დადგომისთანავე განაცხადოს შემთხვევის ფაქტზე კომპეტენტურ ორგანოებში (შსს, სახანძრო ინსპექცია და სხვ.), ხოლო არაუგვიანეს 48 საათისა წარუდგინოს მზღვეველს წერილობითი განაცხადი ზარალის დადგომის ფაქტთან დაკავშირებით, მზღვეველის მიერ დადგენილი ფორმით (გამონაკლისს წარმოადგენს შემთხვევები, როდესაც აღნიშნულის გაკეთება შეუძლებელია დაზღვეულის ჯანმრთელობის მდგომარეობის გამო, ამ შემთხვევაში მზღვეველისათვის ინფორმაციის მიწოდება შესაძლებელია განახორციელოს დამზღვევის წარმომადგენელმა);

ი) თუ ობიექტური მიზეზების გამო მზღვეველი ვერ მიდის შემთხვევის ადგილზე ან მის მიერ შემთხვევის ადგილზე გამოცხადებისათვის საჭიროა ორ საათზე მეტი, მაშინ დამზღვევი უფლებამოსილია გადაადგილოს დაზიანებული ავტომანქანა, ხოლო მზღვეველის წარმომადგენლისაგან ტელეფონით მიიღოს ინსტრუქცია შემდეგი ქმედებების შესახებ;

კ) დაუყოვნებლივ შეატყობინოს მზღვეველს სათანადო სახელმწიფო ორგანოების მოქმედების (გამოძახება დათვალიერების ჩასატარებლად, გამოძიება, გამოძახება სასამართლოში და სხვ.) დაწყება დამდგარი შემთხვევის ფაქტზე;

ლ) დაუყოვნებლივ აცნობოს მზღვეველს მესამე პირისაგან ოფიციალური პრეტენზიის მიღების შესახებ;

მ) არ აღიაროს საკუთარი პასუხისმგებლობა და არ გასცეს პირობა ზიანის კომპენსაციაზე მზღვეველის წერილობითი თანხმობის გარეშე, წინააღმდეგ შემთხვევაში მზღვეველი უფლებამოსილია მოიხსნას ნაკისრი პასუხისმგებლობა;

ნ) ხელი შეუწეოს მზღვეველს რეგრესის უფლების გამოყენებაში, გადასცეს მას სათანადო დოკუმენტაცია, უფლებამოსილებანი და დათმოს მოთხოვნის უფლება, წინააღმდეგ შემთხვევაში მზღვეველი იტოვებს უფლებას არ გასცეს სადაზღვევო ანაზღაურება;

ო) წინამდებარე პირობებითა და ავტოტრანსპორტის დაზღვევის პოლისით განსაზღვრული შემთხვევის დადგომისას მზღვეველს წარუდგინოს:

ო.ა) წერილობითი განაცხადი ზიანის დადგომის შესახებ;

ო.ბ) ავტოტრანსპორტის სარეგისტრაციო მოწმობა;

ო.გ) მძღოლის მართვის მოწმობა;

ო.დ) მძღოლის პირადობის დამადასტურებელი მოწმობა (პასპორტი);

პ) ქურდობის, ძარცვის, ყაჩაღობის რისკზე შემთხვევის დადგომისას დამზღვევი (დაზღვეული) ვალდებულია მზღვეველს დამატებით წარუდგინოს:

პ.ა) დადგენილი ფორმით, ცნობა შსს სათანადო ორგანოებიდან, ავტოტრანსპორტის ქურდობის, ძარცვის, ყაჩაღობის ფაქტთან დაკავშირებით სისხლის სამართლის საქმის აღძვრის (საქართველოს სისხლის სამართლის კოდექსის შესაბამისი მუხლის მითითებით) ან აღუძვრელობის შესახებ, აგრეთვე ინფორმაცია წინასწარი საგამოძიებო მოქმედებების შესახებ;

პ) ავტოსაგზაო შემთხვევის შედეგად ავტოტრანსპორტის განადგურების ან დაზიანების შემთხვევაში დამზღვევი (დაზღვეული) ვალდებულია მზღვეველს დამატებით წარუდგინოს: დადგენილი ფორმით, ცნობა შსს სათანადო ორგანოებიდან, რომელშიც აღნიშნული უნდა იყოს: ავტოსაგზაო შემთხვევის ადგილი და თარიღი, ავტოსაგზაო შემთხვევის ყველა მონაწილის, ეჭვმიტანილ(ებ)ის, ბრალდებულ(ებ)ის, განსასჯელ(ებ)ის, მსჯავრდებულ(ებ)ის ვინაობა, მძღოლის მდგომარეობა შემთხვევის მოხდენის მომენტში (იმყოფებოდა თუ არა ალკოჰოლური ან/და ნარკოტიკული, ფსიქოტროპული საშუალებების ზემოქმედების ქვეშ), აგრეთვე დაზიანების ხარისხის აღწერილობა, რომელიც მიიღო სატრანსპორტო საშუალებამ და საქმისათვის მნიშვნელობის მქონე სხვა გარემოებები;

რ) ხანძრის, მეხის დაცემის ან/და აფეთქების შედეგად ავტოტრანსპორტის განადგურების ან დაზიანების შემთხვევაში, დამზღვევი (დაზღვეული) ვალდებულია მზღვეველს დამატებით წარუდგინოს: ცნობები საქართველოს შსს ხანძარსაწინააღმდეგო სამსახურიდან, ან შსს-ს შესაბამისი ორგანოებიდან;

ს) ვანდალიზმის შედეგად სატრანსპორტო საშუალების დაზიანების ან განადგურების შემთხვევაში, მზღვეველის მოთხოვნის საფუძველზე, დამზღვევი (დაზღვეული) ვალდებულია მზღვეველს წარუდგინოს: დადგენილი ფორმით ცნობა შსს-ს სათანადო ორგანოებიდან, მზღვეველის “ზარალის შესახებ ანგეზა-განაცხადის” მიხედვით დაზიანების ჩამონათვალი, სადაც აღნიშნული უნდა იყოს: განადგურების ან დაზიანების მიზეზები, აგრეთვე სატრანსპორტო საშუალების დაკარგული ნაწილების ჩამონათვალი;

ტ) მესამე პირთა წინაშე დაზღვეულის პასუხისმგებლობის ან უბედური შემთხვევის რისკის დადგომისას დამზღვევე (დაზღვეული) ვალდებულია მზღვეველს წარუდგინოს:

ტ.ა) დადგენილი ფორმით, ცნობა შსს-ს სათანადო ორგანოებიდან, რომელშიც აღნიშნული უნდა იყოს: ავტოსაგზაო შემთხვევის ადგილი და თარიღი, ავტოსაგზაო შემთხვევის ყველა მონაწილის, ექსპედიანტი(ებ)ის, ბრალდებულ(ებ)ის, განსასჯელ(ებ)-ის, მსჯავრდებულ(ებ)ის ვინაობა, მძღოლის მდგომარეობა შემთხვევის მოხდენის მომენტში (იმყოფებოდა თუ არა ალკოჰოლური ან/და ნარკოტიკული, ფსიქოტროპული საშუალებების ზემოქმედების ქვეშ), აგრეთვე დაზიანების ხარისხის აღწერილობა, რომელიც მიიღო სატრანსპორტო საშუალებამ და საქმისათვის მნიშვნელობის მქონე სხვა გარემოებები;

ტ.ბ) ჯანმრთელობის მდგომარეობის, მკურნალობის საფასურის და/ან გარდაცვალების დამადასტურებელი ცნობები;

უ) სატრანსპორტო საშუალების დაზიანებისას ან განადგურებისას, დამზღვევე (დაზღვეული) ვალდებულია მზღვეველს წარუდგინოს: ცნობა კომპეტენტური ორგანოებიდან მომხდარ შემთხვევასთან დაკავშირებული დეტალური ინფორმაციის მითითებით, რომელშიც სხვა საჭირო ინფორმაციასთან ერთად მითითებულია ინფორმაცია მძღოლის მდგომარეობის შესახებ შემთხვევის მოხდენის მომენტში (იმყოფებოდა თუ არა ალკოჰოლური ან/და ნარკოტიკული, ფსიქოტროპული საშუალებების ზემოქმედების ქვეშ);

ფ) თუ სადაზღვევო ანაზღაურების გაცემის შემდეგ გატაცებული (ქურდობა, ძარცვა, ყაჩაღობა) ავტოტრანსპორტი ნაპოვნი იქნება, დამზღვევე (დაზღვეული) ვალდებულია, გადასცეს იგი მზღვეველს საკუთრებაში კანონით დადგენილი წესით ან დაუბრუნოს მზღვეველს მიღებული სადაზღვევო ანაზღაურება. დამზღვევის მიერ მზღვეველზე გადაცემა ავტოტრანსპორტი ან მიღებული სადაზღვევო ანაზღაურება დაუბრუნდება ავტოტრანსპორტის პოვნისა და მისი დამზღვევისათვის დაბრუნებიდან 20 სამუშაო დღის ვადაში. ავტოტრანსპორტის მზღვეველზე გადაფორმების ხარჯებს იღებს დამზღვევე;

ქ) არ დაიწყოს ავტოტრანსპორტის შეკეთება მზღვეველის თანხმობის გარეშე;

ღ) განახორციელოს ამ ხელშეკრულებით მასზე დაკისრებული სხვა ვალდებულებები.

7. მხარეთა უფლებები

7.1. შემსყიდველს უფლება აქვს:

ა) სადაზღვევო შემთხვევის დადგომისას მიიღოს სადაზღვევო ანაზღაურება ავტოტრანსპორტის დაზღვევის პირობებით დადგენილი წესით;

ბ) მზღვეველთან შეთანხმებით შეცვალოს დაზღვევის პირობები;

გ) მოითხოვოს ექსპერტიზის ჩატარება, საკუთარი ხარჯებით, იმ ორგანიზაციის მეშვეობით, რომელსაც აქვს საექსპერტო შეფასების უფლება.

7.2. მიმწოდებელს უფლება აქვს:

ა) გაგზავნოს შესაბამისი შეკითხვები კომპეტენტურ ორგანოებში;

ბ) სადაზღვევო შემთხვევის დადგომისას დაათვალიეროს ავტოტრანსპორტი;

გ) დამზღვევის დასწრებით (თუ ეს შესაძლებელია), შეადგინოს დაზიანებული ავტოტრანსპორტის დათვალიერების აქტი;

დ) ავტოტრანსპორტის დაზიანებისას შეაკეთოს დაზიანებული ნაწილები, თუ ისინი ექვემდებარება აღდგენას;

ე) ავტოტრანსპორტის დაზიანების გამო ანაზღაურების გაცემისას დამზღვევისაგან მოითხოვოს მზღვეველის მიერ შეცვლილი ნაწილების, ხოლო განადგურებული ავტოტრანსპორტისათვის ანაზღაურების გაცემისას – თავად განადგურებული ავტოტრანსპორტის გადაცემა მზღვეველის საკუთრებაში;

ვ) შეადგინოს შეკეთების ღირებულების კალკულაცია (ნუსხა), დაზიანების ხარისხიდან გამომდინარე;

ზ) დამზღვევის (დაზღვეულის, მოსარგებლის) თანხმობით, მისი სახელით თავის თავზე აიღოს მისი უფლებების დაცვა ნებისმიერი ინსტანციის სასამართლოში და მიიღოს სათანადო დოკუმენტაცია და უფლებამოსილება;

თ) არ გასცეს სადაზღვევო ანაზღაურება, დამზღვევის (დაზღვეულის) მიერ ავტოტრანსპორტის დაზღვევის პირობებით განსაზღვრული ვალდებულებების შეუსრულებლობისას;

ი) მინიჭოს დამზღვევს (დაზღვეულს) შეღავათები ან/და გაათავისუფლოს იგი ვალდებულებისაგან, თუნდაც ამას არ ითვალისწინებდეს ან უგულებელყოფდეს წინამდებარე პირობები;

კ) თუ კომპეტენტური ორგანოები ფლობენ მასალებს ან საფუძვლიან ვარაუდს, რომელიც მზღვეველს აძლევს საფუძველს, უარი თქვას სადაზღვევო ანაზღაურების გაცემაზე, მზღვეველს აქვს უფლება გადაავადოს ანაზღაურების გაცემა საჭირო ვითარების გარკვევამდე. ამ შემთხვევაში მზღვეველი დამზღვევს წარუდგენს გადავადების საფუძველად არსებულ ინფორმაციას და დოკუმენტაციას;

ლ) არ გასცეს სადაზღვევო ანაზღაურება თუკი დამზღვევი საქართველოს სამოქალაქო კოდექსის 832-ე მუხლის თანახმად უარს იტყვის თავის მოთხოვნაზე ან მოთხოვნის უზრუნველყოფის უფლებაზე.

8. ზიანის ოდენობის განსაზღვრა და სადაზღვევო ანაზღაურების გაცემა

8.1 სადაზღვევო ანაზღაურების მიღებისათვის, სადაზღვევო პოლისით განსაზღვრული შემთხვევის დადგომიდან 48 საათის განმავლობაში წარმოდგენილი წერილობითი განაცხადის გარდა, დამზღვევემა მზღვეველს, უნდა წარუდგინოს შემდეგი დოკუმენტაცია: შემთხვევის ადგილზე შსს ორგანოების წარმომადგენლების მიერ შედგენილი დოკუმენტაციის ასლები; დაზღვეული და დაზიანებული ავტოტრანსპორტის სარეგისტრაციო მოწმობის ასლი; ავტომანქანის მძღოლის მართვის მოწმობის ასლი; ავტომანქანის მძღოლის პირადობის მოწმობის (პასპორტის) ასლი; დამზღვევის წერილობითი თანხმობა, სადაზღვევო ანაზღაურების გაცემასთან დაკავშირებით (თუ შემთხვევის დადგომის შედეგად აღძრულია სისხლის სამართლის საქმე ან დაწყებულია გამოძიება, მაშინ შესაძლოა მზღვეველმა გარემოებების დაზუსტების მიზნით ასევე მოითხოვოს წინასწარი გამოძიების შედეგების ამსახველი წერილის ან დადგენილების ასლის წარმოდგენა შესაბამისი სამართალდამცავი ორგანოებისადნ);

8.2 ამ მუხლის 8.1 პუნქტით განსაზღვრული საბუთების მიღებიდან და ზარალის დაანგარიშებიდან (ხარჯთაღრიცხვა) 5 სამუშაო დღის განმავლობაში მზღვეველი იღებს გადაწყვეტილებას ზიანის ანაზღაურების შესახებ. დადებითი გადაწყვეტილების მიღებიდან 2 სამუშაო დღეში ღებება სადაზღვევო შემთხვევის აქტი და აქტზე მხარეთა ხელმოწერიდან 3 სამუშაო დღეში ხდება სადაზღვევო ანაზღაურების გაცემა;

8.3 სადაზღვევო შემთხვევის დადგომისას, როდესაც ამ უკანასკნელის არსებობა ეჭვს არ იწვევს და შესაბამისად არ საჭიროებს საგამოძიებო ღონისძიებების გატარებას, ზარალი დარეგულირდება უმოკლეს ვადებში და სადაზღვევო ანაზღაურება გაიცემა სადაზღვევო შემთხვევის შესახებ აქტის შედგენიდან 24 (ოცდაოთხი) საათის განმავლობაში.

8.4 ავტოტრანსპორტის დაზიანებისას ზიანის ოდენობა ანგარიშდება მზღვეველის ექსპერტის მიერ შედგენილი და/ან დაზღვეულის მიერ წარმოდგენილი კალკულაციის საფუძველზე. ზიანის ოდენობაში შეიტანება აგრეთვე დამზღვევის (დაზღვეულის) მიერ გაწეული ხარჯი, რომელიც მან მზღვეველთან შეთანხმებით გაიღო დაზიანებული სატრანსპორტო საშუალების ტრანსპორტირებისათვის უახლოეს სარემონტო ადგილამდე, თუ დაზიანებულ ავტოტრანსპორტს დამოუკიდებლად მოძრაობა არ შეეძლო;

8.5 ავტოტრანსპორტის განადგურებად ითვლება ზიანი, რომლის დროსაც აღდგენითი შეკეთების ღირებულება, მისი საბაზრო ღირებულების 70 პროცენტს შეადგენს;

8.6 სრული განადგურების შემთხვევაში იდენტური დაუზიანებელი მოძრავი ნივთის დამზღვევისათვის გადაცემისთანავე, დაზიანებული მოძრავი ნივთი საკუთრებაში გადაეცემა მზღვეველს.

8.7 განადგურებისას სადაზღვევო ანაზღაურება გაიცემა რეალიზაციისათვის ვარგისი ნარჩენების მზღვეველისათვის გადაცემის შემდეგ მხარეთა შორის მიღება-ჩაბარების აქტის საფუძველზე. დაზიანებული ავტოტრანსპორტის მზღვეველზე გადაეცემა უნდა მოხდეს დამზღვევის მიერ შსს ორგანოში აღრიცხვიდან მოხსნის გზით. აღრიცხვიდან მოხსნის ხარჯებს ანაზღაურებს დამზღვევი, წინააღმდეგ შემთხვევაში მზღვეველი უფლებამოსილია არ გასცეს სადაზღვევო ანაზღაურება.

8.8 მზღვეველი იღებს ვალდებულებას, რომ იმ ავტოტრანსპორტის შეკეთებას, რომელზეც ვრცელდება საგარანტიო მომსახურება, განახორციელებს (ანაზღაურებს) შესაბამის სერვის ცენტრში;

8.9 ზიანის ოდენობაში არ შეიტანება: ავტოტრანსპორტის საგარანტიო შეკეთებისა და ტექნიკური მომსახურების ღირებულება; სამუშაოები, დაკავშირებული ავტოტრანსპორტის რეკონსტრუქციასთან, გადაწყობასთან, ან ცალკეული ნაწილების გამოცვლასთან (დამატებით აღჭურვა);

8.10 შეკეთებისა და სადაზღვევო ანაზღაურების გაცემის შემდეგ ავტოტრანსპორტი მზღვეველს დასათვალისწინებლად უნდა წარუდგინოს. წინააღმდეგ შემთხვევაში შემდგომში ანალოგიური დაზიანება ზიანის ანგარიშში არ გათვალისწინდება.

9 . ხარისხი

შესრულებული მომსახურების ხარისხი უნდა შეესაბამებოდეს დადგენილ სტანდარტებს.

10. ხელშეკრულების შესრულების კონტროლი

10.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

10.2 ინსპექტირებას განხორციელებს -----.

10.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხოდ გაწეული მომსახურება, მიმწოდებელი ვალდებულია წერილობითი შეტყობინებიდან 3 (სამი) დღეში გამოასწოროს წუნი, ან თუ წუნის, გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული მომსახურების ღირებულება.

10.4 ამ მუხლის 10.3 პუნქტით გათვალისწინებული წუნის გამოსწორების ვადა სცილდება ამ ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ამ ხელშეკრულების მოქმედების ვადის გასვლამდე.

11. მომსახურების მიღება-ჩაბარების წესი

11.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ინსპექტირების განმახორციელებელი პირის/პირების დადებითი დასკვნის საფუძველზე.

11.2 მომსახურების მიღებას აწარმოებს -----.

12. ანგარიშსწორება

12.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

12.2 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება, შესაბამისი ანგარიშ-ფაქტურის წარმოდგენიდან და მიღება-ჩაბარების აქტის გაფორმებიდან 20 (ოცი) დღის განმავლობაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

13. ხელშეკრულების პირობების შეუსრულებლობა

13.1 წინამდებარე ხელშეკრულების სპეციფიკური პირობების 6.1 პუნქტით გათვალისწინებული ვალდებულებების ან 10.3 პუნქტით განსაზღვრული პირობების დარღვევის შემთხვევაში მიმწოდებელს ეკისრება პირგასამტეხლო, შესაბამისად ყოველ გადაგადაცილებულ დღეზე შეუსრულებელი მომსახურების ან წუნდებით გაწეული მომსახურების ღირებულების 0.07%-ის ოდენობით.

13.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

13.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14. ხელშეკრულების შესრულების გარანტია

14.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

14.2 იმ შემთხვევაში, თუ მიმწოდებელი უზრუნველყოფს ხელშეკრულებ

14.3 ით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ორგანიზაცია ვალდებულია დაუბრუნოს მიმწოდებელს გარანტია.

15. ხელშეკრულების შეწყვეტა

15.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა ეცნობოს წერილობით 10 დღით ადრე.

15.2 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

16. ხელშეკრულების მოქმედების გადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2011 წლის 31 დეკემბრის ჩათვლით.

17. სხვა პირობები

17.1 ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე. აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17.2 ხელშეკრულების საერთო და სპეციფიკური პირობების ურთიერშეუსაბამობის შემთხვევაში უპირატესობა ენიჭება ხელშეკრულების სპეციფიკურ პირობებს.

მხარეთა რეკვიზიტები:

შემსყიდველი

მიმწოდებელი

- რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ბანკი კოდი:

ანგარიშსწორების ანგარიში:

- სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

- ხელშეკრულების შესრულების უზრუნველყოფის საბანკო გარანტიის ოდენობა პროცენტულად:

- სატენდერო წინადადების მოქმედების ვადა:

(პრეტენდენტის დასახელება)

(ხელმოწერა)

(სახელი, გვარი, თანამდებობა)

(თარიღი ბ.ა.)

ფასების ცხრილი

№	ა/მანქანის მარკა	სახ №	გამოშვების წელი	ნარჩენი საბაღანსო ღირებულება (ლარი)	სადაზრვეო ღირებულების რაოდენობა	წლიური სადაზრვეო ტარიფი (%)	სადაზრვეო ღირებულების შესაბამისად სადაზრვეო პრემია (ლარი)
1	TOYOTA LANDCRUISER LC 200	QEQ-949	2010	97759,65	325		
2	TOYOTA LANDCRUISER PRADO	VUV-882	2010	69 354,58	325		
3	HYUNDAI VERACRUZ	COC-050	2009	46 613,54	325		
4	TOYOTA CAMRY 3,5	VUV-933	2010	62 621,76	325		
5	TOYOTA CAMRY 2,4	QWQ-744	2010	52 768,51	325		
6	HYUNDAI GETZ	NZN-898	2010	15 285,90	325		
7	RENAULT LOGAN	QWQ-577	2010	17 452,20	325		
8	SKODA OCTAVIA	NSN-750	2010	30572,8	325		
9	TOYOTA HILUX	GNG-292	2008	26 266,12	325		
10	MERSEDES E 280	SAN-050	1998	17302,28	325		
	სულ			435 997,34			

(პრეტენდენტის დასახელება)

(ხელმოწერა)

(სახელი, გვარი, თანამდებობა)

(თარიღი ბ.ა.)

ხელშეკრულების შესრულების საგარანტიო უზრუნველყოფა
(საბანკო გარანტია)

გის: _____

(შემსყიდველის დასახელება)

მხედველობაში ვიდებთ რა, რომ _____

(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე :

(თანხა ციფრებით, თანხა სიტყვებით, ვალუტის მითითებით)

და ვეისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)